


[www.BibleForChildren.org](http://www.BibleForChildren.org)



Jon 14



Kən Iesu tēmən-ipən kəm ilat mēmə, "Nikitəmat tēsahmən. Itəmat nəkotəkəike motahatətə e Uhgın, kən motahatətə mın lak. E nimə rəha Tata rəhak, noan tepət əh-ikın. Nəghatən u in nıpahrienən. Okəmə təsöl mihinən, okol enən-ipinə rəkis kəm itəmat."



"Roiu əh, io ekatuwin, ekol əpen-əpenə rəhatəmat.  
Kən məto-inu ekuwin mol apen-pena otəmat, kən io  
oepanitəlig-pa min mos itəmat nakotuwa moatatig kitat  
min io, məmə itəmat onəkotatig ikin-u itəm io min  
iakətatig ikin."




Io Jon, piatəmat u, itəm kitat koatos kələh nelmitat  
mīn kitieh e Iesu o nahməən, ne natigən e  
nərəmərəən rəhan, ne nətul əskasikən e

nian rəha nahməən.



Kəmərakin-pən io e nəptən u Patmos, məto-inun  
iatən-iarəp nəghatən mın un itəm Uhgın  
tatos-ipa, kən matətul-arəp o Iesu.




E nian kitieh əm, nəsanənən rəha Narmin Rəha Uhgin  
təmol kəm io, kən ekasipən əpəh aupən-in io matəplan  
kig, tatəpələh-pər e rəhan jea, matərəmərə e nego e  
neai.



Kən eməto mın natımnat rafın itəm Uhgın təmol e nego  
e neai, ne nətueintən, ne Imə Netəm Kəmotimis İkin,  
ne e niki nitəhəi, ne natımnat mın  
rafın itəm kotatig elat, ilat rafın  
koatən məmə: "Pəs nənwiwien  
ne nisialiən tatuwin o kig itəm  
tatəpələh-pər e rəhan jea ne  
Nəti Sipsip,  
məto-inu in tatos  
nepətən  
əhag-əhag ne  
nərəmərəən."




“!Pəs nənwiwən ne nisaiiən tuwın olau, kən tatuwın,  
matuwın, matuwın, namnun tikə!”



Kən əmun ekəplan taon asim rəha Uhgın, inun Jerusalem wi, tatısi-pər o Uhgın e nego e neai mateiuaiu-pa. Kəmol malə-malə lan tahmen e pətan itəm kəmol malə-malə kəm in məmə otuwın mehm rəhan iərman mioal marit. Kən əmun ekəto nəwian asol

kit təmisi-pən əpəh e jea rəha kig matən məmə, "İəplan-tu! Roiu əh, Uhgın tınol latuənu rəhan ilat netəmim."




“In otətatig ilat min, kən ilat okotuwa rəhan min netəmim. Kən Uhgın ətuatip in otətatig olat, kən in rəhalat Uhgın.”



Kən nian nagelo təməgətun rəkis taon wi kəm io, kən təməgətun min nəhau megəh kəm io itəm tətaiu. In talien talien tahmen e kilas. Tatisi-pən əpəh e jea rəha Uhgın ne Nəti Sipsip, maiu matuwın matiləs nəlugi suatip asol rəha taon u.



Kən ikin əh, nikitəm təsuwəhən mitgar ne məwig,  
məto-inu nepətən əhag-əhag rəha Uhgın in  
tətasiəgəpin rafin taon u, kənu Nəti Sipsip un, in lait  
rəhan.




Məto natimnat min itəm kotamkimik e niganəmti Uhgin,  
ne netəmim itəm koatol nat itəm tol naulisən, ne netəm  
koateiuə, netəm min u okol  
ilat kəsotuwinən imə e  
taon asol u. Netəm min  
əm un itəm  
kəməte-rəkiş-pən  
nərgilat e naoa rəha  
nəmegəhən itəm Nəti  
Sipsip tatos, ilat əm  
un kotitun nuwinən imə.




"In otafəl rəkis rafin nahui nəmtilat. Nimişən ne nasəkən ne nahməən mın okotikə. Natimnat nuwəh mın u, ilat kinotuwin rəkis, okol kəsotuwa mınən."




Nat tikə agin ikin əh itəm təike mos nalpinən rəha  
Uhgın. Kən jea rəha Uhgın ne Nəti Sipsip in əh-ikin əh,  
katuərəmərə ikin. Kən rəhan iolwək min okotəfak kəm  
in. İlat okotəplan niganəmtin, kən okəte-pən nərgin e  
nipinəgilat.



Kən əmun ekəplan netəm kəmotimis, netəm koatos  
nepətən asol, ne netəm əpnapin əm. İlat rafin kotətul  
aupən e jea rəha kig u, kən kameg naoa min. Kən  
kameg min naoa kit, inu naoa rəha nəmegəhən. Okehm  
nakilən rəha netəm kəmotimis e naoa min  
u, kən kinatakil ilat kitih kitih o nat ilat  
kəmotol. Okəmə kəsehmən nərgi suah  
kit e naoa rəha nəmegəhən, kən  
okərakin-pən in e  
noanəmnamin  
nigəm asol.



Narmin Rəha Uhgın ilau Pətan rəha Nəti Sipsip katuən mə, “!Wa!” Kən pəs netəm min u kotəto, ilat min kotən mə “!Wa!” Etəmim pah itəm tatoaoa, pəs in tuwa. Kən etəmim pah itəm in tolkeike, pəs in otənım nəhau megəh kisos-nəmtinən.



Tol nəhlən, Uhgın təmolkeike pik  
netəmim e nətueintən, tol-pən in  
təmos-ipa Nətin Noan Kitəh Əm,  
məmə netəm mın u itəm koatahatətə  
lan, ilat okol kəsotimisen, məto  
okotos nəmegəhən itulin.



Rom 3:23 mətə-inu netəmim rafin kəmotol təfagə rat kən  
motəmkakiəh e suatip rəha nətuaɾipən rəha Uhgɿn itəm  
təwɿr məhag-əhag,

Rom 6:23 Tol nəhlan mətə-inu nətouən rəha təfagə rat in  
nɿmɿsən, mətə nat itəm Uhgɿn tatos-ipa in nəmegəhən lilɿn  
e Kristo lesu rəhatat lərəməre.

Hiprus 9:27 Kitat netəmim, Uhgɿn tɿnələhəu nian ətuatip  
rəhatat kitieh kitieh məmə okotimɿs lan, mau kitieh əm. Kən  
uarisig lan un, in otakil rəhatat nolən mɿn.



Efesus 2:8,9 E nēwīrēn asol rēha Uhgīn itēm tēmawte-in kēm itēmat, in tēmosmegēh itēmat e nahatētēn, kēn natimnat min ēh, sēnēmē itēmat atip nēmotol, mēto in nat kit itēm Uhgīn tatos-ipa ēpnapīn ēm kēm itēmat, sēnēmē e wēk kit itēm itēmat nēmotol, kēn tol nēhlan ko suah kit tēsos-ipēr atipēn in ron.

Rom 10:9,10 Tol nēhlan mēto-inu, okēmē nakēn-iarēp e nohlīm mēmē lesu in lērēmērē, kēn okēmē nakahatētē e nīkim mēmē Uhgīn tēmosmegēh in e nīmīsēn, kēn Uhgīn otosmegēh ik. Kēn inu nīpahriēnēn nēhlan mēto-inu Uhgīn tatol etēmim kit tatētuatip e nīganēmīn nian suah ēh tētahatētē lan pahriēn e nīkin. Kēn Uhgīn tatosmegēh etēmim kit nian in tatēn-iarēp e nohlīm mēmē lesu in lērēmērē rēhan.



Jon 3:16,17 Tol nəhlan, Uhgın təmolkeike pik netəmim e nətueintən, tol-pən in təmos-ipa Nətin Noan Kitəh Əm, məmə netəm min u itəm koatahatətə lan, ilat okol kəsotimisən, məto okotos nəmegəhən itulın. Uhgın in təməsahl-ipamən Nətin tuwa e nətueintən u məmə otən-iarəp nalpınən rəha nolən rəha netəmim rəha nətueintən, məto in təmahl-ipa, məmə otuwa mol suatıp o nosmegəhən netəmim e nətueintən.

1 Jon 5:11-13 Kənu nəghatən itəm Uhgın təməni-iarəp o Nətin, in tol nulan. Uhgın təmos-ipən nəmegəhən lilin kəm itat, kənu nəmegəhən u, katos o Nətin. Etəm tatos Nətin, in tatos nəmegəhən. Məto etəm təsosən Nəti Uhgın, in təsosən nəmegəhən. İatətə nəghatən min u kəm itəmat netəm kotahatətə e Nəti Uhgın, məmə onəkotitun məmə itəmat nakotos nəmegəhən lilin.



Jon 14; 2 Korin 5 ; Nol Əpən 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

North Tanna NT (tnn) © 2007, Wycliffe Bible Translators,  
Inc. All rights reserved.

<https://www.bible.com/bible/1228/MAT.1.TNN>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

